



Republika e Kosovës / Republika Kosovo / Republic of Kosovo

Komuna Rahovec/Opština Orahovac/Municipality of Rahovec



Për : Komitetin për Politikë dhe Financa dhe Kuvendin Komunal Rahovec

Nga: Bajram Morina –Kryesues i Komitetit për Komunitete

Lënda : Raporti Vjetor i Komitetit për Komunitete 2024

	REPUBLIKA E KOSOVËS / REPUBLIKA KOSOVO / REPUBLIC OF KOSOVO KOMITETI PËR POLITIKË DHE FINANCA / SKUPSTINA OPŠTINE / MUNICIPAL ASSEMBLY	
RAHOVEC / ORAHOVAC		
Njësia Nr./Br./No 01 (Kuvendi i Komunës)		
Nr./Br./No 01/25 Nr. i faq./Br.s / No. pg 01		
Data/Datum/Date 29.04.2025		

Ky raport është një pasqyrim i aktiviteteve dhe angazhimeve të Komitetit për Komunitete, për periudhën Janar – Dhjetor 2024. Fokusi kryesor i këtij komiteti, ishte në përmirësimin e situatës së komuniteteve jo-shumicë në Komunën e Rahovecit në fuqizimin e pozitës së tyre në fushën e arsimit, gjithëpërfshirës, promovimin e vlerave të diversitetit etnik, të drejtave të njeriut dhe komuniteteve, Riatdhesimit, Kthimit të qëndrueshëm etj .

Synimi kryesor i Komitetit për Komunitete për vitin 2024 përfshin:

- Përmisimin e gjendjes së komuniteteve jo-shumicë në Komunën e Rahovecit.
- Përmirësimin e infrastrukturës.
- Zhvillimin e aktiviteteve kulturore, arsimore dhe edukative.
- Fushata sensibilizuese në çështje jetike si arsimi, shëndetësia, barazi gjinore dhe diversiteti etnik.
- Ngritjen, zhvillimin profesional dhe mbështetjen e bizneseve për komunitetin jo-shumicë në Komunën e Rahovecit.

Ky raport përshkruan aktivitetet dhe angazhimet në fusha të ndryshme si arsimi, shëndetësia, riatdhesimi, kthimi i qëndrueshëm, siguria, strategjitë/planet e veprimit, pjesëmarrja në aktivitete, trajnime dhe konferenca, dhe sfidat e komuniteteve rom, ashkali dhe egjiptian në punësimin në sektorin publik.

Raporti jep një pasqyrim të gjerë të përpjekjeve dhe aktiviteteve për të përmirësuar gjendjen e komuniteteve jo-shumicë në Komunën e Rahovecit .

Komiteti për Komunitete të Komunës së Rahovecit ka mbajtur 6 takime gjatë vitit 2024, duke fokusuar përpjekjet e tyre në zhvillimin dhe mbështetjen e komuniteteve të ndryshme, duke përfshirë komunitetet rom, ashkali dhe egjiptian, serb, boshnjakët etj. Këtu janë disa nga aktivitetet kryesore të këtij komiteti gjatë vitit:

ARSIM:

- Janë realizuar 4 vizita në shkolla dhe qendra të komuniteteve me bazë në shkollë, ku janë përfshirë shkollat e fëmijëve të komuniteteve rom, ashkali dhe egjiptian, bashkë me anëtarët e komitetit dhe asamblistët, me qëllim të njoftimit për së afërmi mbi gjendjen e tyre, problemet, mësimnxënjen, kushtet dhe gjendja e qendrave, dhe planifikimi në të ardhmen për intervenim.

VIZITA NË LAGJE TË KOMUNITETEVE JO-SHUMICË:

- Kryesuesi i Komitetit për Komunitete të Komunës së Rahovecit, në bashkëpunim me pjesën ekzekutive të komunës, ZKKK dhe asamblistët, ka bërë vizita në lagjet e komuniteteve jo-shumicë për të parë nga afër gjendjen në infrastrukturë, ndriçim, kanalizim dhe fusha të tjera me rëndësi për mirëqenien e tyre.

DEBAT PUBLIK MBI BUXHETIN:

- Në bashkëpunim me Zyrën Komunale për Komunitete dhe Kthim, është organizuar një debat publik mbi buxhetin. Ky takim ka përfshirë komunitetet jo-shumice dhe përfaqësuesit e autoriteteve komunale, ku ka pasuar një takim të përbashkët me qëllim të rritjes së vetëdijes shoqërore dhe nxitjes së tyre për të paraqitur kërkesat ndaj autoriteteve komunale për projektet dhe programet në interes të tyre, takimi është mbajtur në lagjen e epërme, dhe në fshatin Hoqë e Madhe.

THIRRJE NË DISKUTIM ME DREJTORITË DHE ZYRAT KOMUNALE:

DREJTORIA E SHËRBIMEVE PUBLIKE

- Në lidhje me Drejtorinë e Shërbimeve Publike, fokusi ka qenë në çështjet e infrastrukturës dhe shërbimeve komunale për komunitetet jo-shumice duke përfshirë ndriçimin në vendbanimet e komuniteteve. Diskutimet janë përqendruar në identifikimin e zonave ku ka nevojë për përmirësim, përfshirë asfaltim, ndriçim dhe shërbime të tjera publike. Pjesëmarrja aktive e komunitetit ka ndihmuar në përcaktimin e prioritetit dhe hapat konkrete për zgjidhjen e sfidave në këto fusha.

DREJTORIA E SHËNDETËSISË:

- Diskutimet me Drejtorinë e Shëndetësisë kanë adresuar çështjet e kujdesit shëndetësor për komunitetet jo-shumice. Përveç përmirësimit të infrastrukturës shëndetësore, ka pasuar edhe biseda mbi iniciativat për sensibilizim dhe ofrim të shërbimeve shëndetësore të përshtatshme për këto komunitete posaçërisht të imunitetit të fëmijëve 0 -10 vjeç. Pjesëmarrja aktive në planifikimin e masave shëndetësore ka ndihmuar në sigurimin e një përgjigje të përshtatshme për nevojat e komuniteteve etj.

DREJTORIA E ARSIMIT:

- Nga takimi me Drejtorinë e Arsimit, është diskutuar intensivisht mbi mundësitë për përmirësimin e cilësisë dhe arritjeve në fushën e arsimit për komunitetet rom, ashkali dhe egjiptian. Përveç vizitave në

shkolla dhe qendra komunitetesh me bazë në shkollë, ka pasuar një analizë e thelluar e sfidave që përballen kjo popullatë në arritjen e një arsimit cilësor.

- Diskutimet janë përqendruar në identifikimin e nevojave të veçanta të këtyre komuniteteve, duke përfshirë përmirësimin e infrastrukturës shkollore, trajnimin e mësuesve për të trajtuar çështjet e diversitetit kulturor dhe gjuhësor, si dhe sigurimin e burimeve shtesë për mbështetje mësimore për nxënësit. Pjesëmarrja e anëtarëve të komitetit dhe asamblistëve ka ndihmuar në përcaktimin e prioritetëve për veprime të menjëhershme dhe afatgjatë në fushën e arsimit.

- Në veçanti, ka pasuar diskutim mbi politikat dhe programet e arsimit të përfshira në planin e veprimit për komunitetet rom, ashkali dhe egjiptian, duke synuar rritjen e shkallës së përfshirjes së këtyre grupeve në sistemin arsimor dhe garantimin e barazisë në aksesim dhe cilësi të arsimit. Pjesëmarrja aktive e komitetit ka krijuar një platformë të përbashkët për bashkëpunim mes autoriteteve arsimore dhe komunitetit për zhvillimin e arsimit në Komunën e Rahovecit.

ZYRA KOMUNALE PËR KOMUNITETE DHE KTHIM :

- Diskutimet me zyrën Komunale për Komunitete dhe Kthimit janë përqendruar në njohjen e sfidave që komunitetet jo-shumice hasin në procesin e braktisjes dhe përfshirjen e tyre në shkollë .Mbështetja me bursa për nxënësit e shkollave të mesme dhe studentet .

Qëndrueshmëria financiare e qendrave të arsimit me bazë në shkollë , dhe sfidat të tjera mbi kompensimin e mjeteve buxhetore për nxënësit që nuk kanë arritur të marrin përfitime nga procesi online E-kosova , si pasojë e mos njohjes së sistemit .

Poashtu nga kjo zyre është raportua mbi politikat e saja komunale në avancimin e pozitës së komuniteteve përmes planit të veprimit për përfshirjen e komunitetit rom , dhe ashkali 2024 .

Planin e Veprimit për Kthim dhe Riatdhesimin , banim social etj.

Gjithashtu janë pasqyruar synimet për përmirësimin e aktiviteteve kulturore dhe artistike në komunitetet jo-shumice. Ka pasuar diskutim mbi krijimin e platformave për promovimin e trashëgimisë kulturore të këtyre komuniteteve dhe përfshirjen e tyre në ngjarje kulturore lokale dhe ditëve memoriale . Pjesëmarrja aktive e komunitetit ka ndihmuar në identifikimin e nevojave dhe shprehjen e preferencave kulturore.

PJESËMARRJE NË TRYEZA DHE TRAJNIME NDËRKOMBËTARE:

- Komiteti për Komunitete ka marrë pjesë në tryeza dhe trajnime të ndryshme, duke përfshirë ftesa nga organizata ndërkombëtare, qendrore dhe lokale, për të diskutuar mundësitë e ngritjes së kapaciteteve të mekanizmave institucional në favor të komuniteteve jo-shumice dhe për rritjen e kapaciteteve të anëtarëve.

Këto aktivitete tregojnë përkushtimin dhe përpjekjet e Komitetit për Komunitete për të përmirësuar gjendjen dhe përfshirjen e komuniteteve të ndryshme në zhvillimin e përgjithshëm të Komunës së Rahovecit.


Bajram Morina

Kryesues i Komitetit

07/01/2025